

Go tseba Kriste ke go tseba phološo ya gago

Thero mo Johane 20:8-9

Palo ya Beibele: Johane 19:38-20:9

Temanathero: Johane 20:8-9

Tabataba: Go tseba Kriste ke go tseba phološo ya gago

Ana motho o mo tseba neng? Ana o mo tseba ka leina la gagwe fela? Goba o swanetše go tseba ka botlalo tše dingwe ka ga gagwe ge o re: ke a mo tseba? Mosadi yo mongwe yo a bego a tsebana le mogwera wa gagwe mengwaga e mentši o mpoditše a re, o mo tšebile ka botlalo ka morago ga ge ba nyalane. Go tseba le go tseba e ka ba dilo tše pedi tša go fapana. Mo temaneng ya rena re bala ka polelo ya gore barutiwa a be ba sa tšebe mangwalo ka botlalo. Re tlile go lebelela se mo therong ya rena.

Ana barutiwa ba be ba sa tšebe mangwalo? Ka nnete ba be ba a tseba. Mohlomongwe bona – Petro le Johane – ba be ba se na tsebo ya botlalo bjalo ka moapostola Paulo, empa le ga go le bjalo... e be e le badumedi ba Bajuda, ba godišitšwe ka tlase ga mangwalo. Ba be ba ipoletše tumelo – go ya ka matšatšing ao – ba be ba bitšwa – bar mitswa – (bana ba molao) ka ngwaga wa bona wa lesome le metšo e mebedi. Gomme kudukudu motho o swanetše go bolela a re: mo mengwageng ye e feletšego ye meraro ba be ba latela Jesu. Gomme gabotse Jesu o ba rutila mangwalo ka botlalo. Empa le ga go le bjalo temana ya rena e bolela e re, ba be ba sa tseba ba mangwalo. Gomme ka lebaka leo tiragalo ya mošong wa Sontaga e be e makaditše.

Mo letšatšing la pele la beke Maria Magdalena o ile a tšwa mongwakong e sa le ka meso. E be e le leswiswi. Mmogo le basadi ba bangwe ba ile ba leba lebitleng go lokišetša mmele wa Jesu, ba sa tšebe lebaka la gore Jesu o tsogile. Maria Magdalena o be a ile a tsenwa ke mademone a laolo moya wa gagwe. o be a le gona ge Jesu a bapolwa le ge a bolokwa. Ka letšatši leo Jesu a hwilego ka lona o be a sa kgone go ka dira tše dintši go thuša moruti wa gagwe. letšatši ka morago ga fao e be e le sabatha, gomme go ya ka molao wa sabatha ba be ba swanetše, go se sepele lebaka le letelele go ya ka mo molao wa sabatha o bolelago ka gona. Kudukudu leeto la go ya lebitleng ka sabatha le be le sa kgonege. Empa ka morago ga sabatha o ile a leba lebitleng. Ge a fihla mabitleng, o ile a bona leswika le tlošitšwe mo mojakong wa lebitla. O ile a kitimela motseng. Sa mathomo go Simone Petro gomme ka morago go bao ba bego ba rata Jesu. Gona mo Johane – yo e lego mongwadi wa Ebangedi – o ipolela ka boyena. Re ka hwetša go tšwa mangwalong a seGerika gore banna ba babedi ba be ba se felo go tee. Mohlomongwe yo mongwe wa bona o be a ephihlile lefelo la gagwe. ka morago ga go swarwa ga Jesu barutiwa ba ile ba tšhaba, gomme bjale a iphihlile mo mafelong ao a fapanego mo Jerusalema. Empa Maria o be a tseba ba kae.

Lebaka la gore leswika le tlošitšwe, Maria o ile o fetša ka gore ba tšere mmele wa Morena wa gagwe. ka ge mmele wa gagwe o be o se gona mo lebitleng, o be a nyaka go tsebiša ka pele barutiwa ba gagwe. gomme potšišo yeo a bego e mo tshwenya kudu ke gore: ana ba mo išitše kae? Ana mmele wa gagwe o kae bjale? Mo polelong ya gagwe re bona gore o be a ipotša gore motho yo mongwe o fihlile mmele wa gagwe lefelong le lengwe. Mohlomongwe maekemišetšo a Josefa wa Arimathea le Nikodemo, yo a bego a kgomotšana le Jesu, e be e le gore ba mmee lebakanyana fela mo lebitleng la maemo. Mohlomongwe ba ile ba lokiša gape poloko ya gagwe. empa kae? O be a swanetše go tseba! Mohlomongwe o be a sa kgone go ka hlompha la mafelelo Moruti wa gagwe.

Molaetša wa Maria o be o le wa botlalo mo go Petro le Johane gore ba ka tšhela, gomme ba kitimela lebitleng. Johane, mohlomongwe ka ge e be e le e monyane go Petro o ile a kitima go mo fetiša. Ge Johane a fihla lebitlen, o ile a tsena. Mo matšatšing ao lebitle le be le be bjalo ka legaga, le go iša mo go lego maboto ao a butšwego le go beakanya go bea mohu. Lefelo la botšeno le be

le tšwalelwa ka leswika le legolo. Ge Johane a tsena mo lebitleng – mahlo a gagwe a be a swanetše go tlwaela leswiswi la ka mo gare, o ile a lebelela ka bonako lefelo leo ba ilego ba robotša Jesu ka letšatši la labohlano. Gomme ka go le lengwe lehlakore, o ile a bona diaparo. O ile a se batamele. Seo a se bonego se be se lekane go lemoga gore Maria Magdalena o phošetše. Jesu o be a sa le gona mo.

Gomme Petro ge a fihla o ile a leba ka gare ga lebitla, a feta Johane a ema lefelong leo gore ba tšwago mohu. Gona mo o ile a lemoga selo se bohlokwa. Masela ao a bego a rwešitšwe Jesu mo hlogong a be a beetšwe thoko. Ka morago ga motsotso o ile a lemoga gore o lebane le mašela ao a se nago selo. O ile a se hlaloganye. Ka lebaka le Johane o ile a batamela le yena. Gomme gona mo a thoma go lemoga ge mmele o se gona. E le fela mašela a poloko ao a šetšego. Mašela ao a bego a le thata ka lebaka la ditlotšo, bjale a be a omilwe. Gabotse se be se se laetše gore ga a bolokwa mo gongwe. Go motho a swanetše go boloka yo mongwe, o be a tšea le mašela a gagwe. Johane yo a hlalošago tiragalo ye, bjale o bolela ka boyena, ge a bona se: bjale re thoma go dumela. Go swana le ka letšatši leo go nago le maru ge letšatši le sa kgone go ka tšwelela. Empa bofelong mahlasedi a letšatši a phunyeletša maru a go se dumele. Monagano wa gagwe o ile wa bulega. O ile a bona gomme a dumela. A thoma go lemoga gore Jesu o a phela!

Johane, yo ka morago a ngwetšego fase ditiragalo tše o ipolela ka botlalo ka boyena le morutiwa ka boyena Petro: re be re sa tšebe mangwalo, gore Jesu o swanetše go tsoga bahung. Se ke boipolelo bja go se dumele ga bona ka nako yeo. Ga se thaetšo. Ga se go inyatša. Re be re sa tšebe mangwalo. Mangwalo mo go rena e be e le boso fela go fihlela ka motsotso wo.

Ana se ke nnete? Ana se swanetše go ba boima? Ana ga se go feteletša polelo? Ka bohlatse bjo ba bego ba sa kgone go bo hlaloganya. Empa ka nnete ba be ba tseba mangwalo, a ga go bjalo? Se se ka diragalela mang le mang, gore o lebale se sengwe se bohlokwa. Mangwalo a Testamente ya kgale a bolela ka botlalo! Ana o na le dikarabo ka moka ka matšatši ohle? Ana maina a batswadi ba Samsone ke bomang? Mohlomongwe o ithutile o sa le e monyane. Ana o sa gopola? Goba ke mang mongwaledi wa Jeremia? Mohlomongwe le go barutiwa ba be ba lebetše ka se? Ka nakonyana fela ba ile ba lebala ka ga tshepišo ya Jesu ya go tsoga...

Empa se ga se taba mo lebakeng le! Lebaka la tsogo e be e se selo seo o ka se lebalago, e le tsebišo yeo e sego bjalo ka ga maina a batswadi ba Samsone, goba ngwaga ya Noage ge a ehwa. Lebaka le – tsogo ya Jesu – le lefelong le legolo. Ka morago ga seo Jesu o be a hlalošetša banna bao ba bego ba eya thoko ya Emause ka mo dilo tšohle tšeo mangwalo a di bolelago di phethagetše mo go yena! Testamente ya kgale ka moka gabotse e boletše ka ditiragalo tša matšatši o na a: Jesu Kriste, o bapotswe. Jesu Kriste, o bolokilwe. Empa gape: Jesu Kriste, kenywa ya mathomo ya bophelo bjo bo sa felego. Seo se bego se tshepišitšwe go tloga mathomong a mangwalo, mo go Genesi 3:15, gore hlogo ya noga e tlile go psheatlwa, se phethagaditšwe ka letšatši le.

Ana ba ka dira bjang, Petro le Johane, ba lebala lebaka le? E sego go lebala go bolela gore Jesu ka boyena o ba tsebišitše ka go boeletša. Ke lebiša go Mareka 8:31 mohlala, mo re balago: 'o ile a thoma go ba ruta gore Morwa motho o swanetše ke go hlokošetšwa ka tše dintši, le go lahlwa ke bagolo le baperisita le baruti ba molao le gore o swanetše go bolawa gomme ka morago ga matšatši a mararo o tlile go tsoga.' Le ge go le bjalo, ka nako yeo Petro o be a sa hlaloganyo se. Petro o ile a biletša Jesu ka thoko a thoma go mo kgalema. Gabotse Petro o be a lebelela tšeo di tlogo ka leihlo le le fapanego. Re ka lebelela gape Mateo 16:21, mo tiragalo ye e ngwetšego gona. 'Petro a biletša Jesu ka thoko gomme a thoma go mo kgalema. O se ke, Morena, a realo! Se se ke sego diragelele!' Gomme re bala gore Jesu o ile a se tšee maitšhwaro a. Gomme ka lebaka le, se e bile go buša ga gagwe mo lefaseng. Gomme Jesu a mo lebelela gomme a re go Petro: 'Tloga go Nna, Sathane! Mo go Nna o sethibelo.' Kgaolo ka morago ga yeo re bala ka mo Mateo a ngwadilego molaetša wo: Morwa motho o tile go gafelwa diatleng tša batho gomme ba tlile go mmolaya gomme ka letšatši la boraro o tlile go tsošwa. Ka morago ga polelo ye ya Jesu Petro le

barutiwa ba bangwe ba ile ba kgalemela Jesu gape. Gomme re bala polelo ye: ba ile ba nyama ga kudu (Mateo 17:23). Ka go le lengwe re ka kwišiša, gobane Jesu o be a bolela ka tiragalo ya mahloko. Empa ka go le lengwe re ka botšiša ra re: ana barutiwa ba be ba se na lethabo? gobane Jesu o boletše gape ka ga tsogo ya gagwe! le ga go le bjalo re swanetše go feleletša ka gore temana ya bofelo – ka letšatši la boraro o tlile go tsoswa – ga ya ka ya fihlela ditsebe tša bona, go ba ga ya fihlela dipelo tša bona ka lebaka leo. Ba ile ba ema mo polelong ya mathomo, gore o tlile go ga felwa diatleng tša batho, bomme ba tlile go mmolaya. Ka nnete mantšu a a be a iša moya fase.

Le ka lebaka la boraro Jesu o bušetša molaetša gape. Poeletšo ya boraro, e sego fela ka ga ditlhokofatšo tša gagwe, empa le ka ga tsogo ya gagwe. empa le ge go le bjale molaetša ga wa ka wa fihlela barutiwa. Ka dipelo gore ka letšatši la Sontaga ba ile ba tlabega kudu. Ka morago fela ga gore Johane a kitimele lebitleng e le go lebiša go molaetša wa basadi, ka morago ga ge a bone mašela, ka morago ga go re Petro a kitimele ka gare ga lebitla, ka morago ga mo Johane gore a batamele kgauswi, ka morago ga gore a bone mašela ao a bego a apešitše hlogo ya Jesu, a beilwe thoko, le ka morago ga gore a bone mašela ka moka a se na selo, ke fela ka morago ga go bona tše ka moka, mantšu a Jesu – ditsebišo tše di boeleditšwego ke moruti nako le nako – di ilego tša mo fihlela. A bona gomme a dumela. Go fihlela ka motsotso wo o be a fufaditšwe ke hlalošo ya mangwalo.

Maikemišetšo a thero ye ga se gore re šikinye dihlogo ka go makalela tumelo ye nyane ya Johane le Petro. Ana re bomang go ka dira seo, le rena re bokowa mo tumelong ya rena. Maikemišetšo a thero ye ke gore re makale ka lebaka la ditiragalo tše. Ga re lemogeng gore se e be e le letšatši le bohlokwa mo historing ya lefase. Ke bjona boteng bja Ebangedi. Mangwalo ka moka a lebišitše mo thokong ya tiragalo ye, go bapolwa ga Jesu, empa le tsogo ya gagwe! Go sa lebelele gore Johane o be a tseba mangwalo go tloga mathomong go iša mafelelong, go a sa ka a lemoga se, o be a sa tšebe mangwalo. Gomme se o a se amogela mo temaneng ya rena. Ka morago fela ga tiragalo ye tumelo ya gagwe go Jesu Kriste e ile ya ba ya botlalo.

Mo go rena go bohlokwa gore le rena re lemoge. Mo kerekeng, mo bophelong bja seKrisite, tseba ka moka ya mabaka a Beibele ga e na mohola ge fela e sa laole bophelo bja gagwe. Ana tumelo ya gago mo go Jesu Kriste e na le popego ya maleba? Ana o tseba Jesu Kriste? Ana o tseba ka mo a phetšego ka gona lefaseng le ka mo a go hwetšego ka gona? Ana o tseba gore o ile a tsoga a dira gore se se diragale le mo go wena? Tabataba ya rena e ka tsela ye: go tseba Jesu Kriste ke go tseba phološo ya gago.

Mo go Johane lesedi le ile la bonagala ka letšatši leo. Gomme go tloga mo lesedi le tlile go bonega go fetiša le go fetiša bophelong bja gagwe. O ipoletše ka nnete ka ga leswiswi leo le bego le le gona bophelong bja gagwe go fihlela mo: re be re sa tšebe mangwalo. Se ga se thaetšo.

Mangwalo a be a se ka botlalo mo go bona go fihla ka nako yeo. Empa bjale re a mo tseba! Bjale re tseba seo se lego mo pelong ya gagwe ka ga rena.

Modimo le Tate wa Morena wa rena

A tumišwe ka go sa felego.

O mogolo ke mahau wo a re laeditšego ona:

Hlompho le poko a di išwe go Yena!

O re dirile gore re tšwalwe lefsa:

O re file bophelo bja kholofelo ka lebaka la Jesu Kriste,

Yo a tsogilego bahung a fenya lebitla.

(Sefela 28:1,2)

Amene.